




Departamento de Orientación
do IES de Ortigueira

ABAU CURSO 2023-2024



CALENDARIO RESUMO:

	Convocatoria Ordinaria	Convocatoria Extraordinaria
Matrícula Anticipada	2 ao 20 de maio	10 ao 17 de xuño
Prematrícula nos centros de Bacharelato	16 ao 20 de maio	13 ao 17 de xuño
Publicación provisional e reclamación dos erros de matrícula nos centros de secundaria	21 de maio	18 de xuño
Envío de documentación dos centros de Secundaria ao LERD correspondente	21 a 23 de maio	18 a 20 de xuño
Publicación definitiva do alumnado matriculado en Nerta	23 de maio	20 de xuño
Exames ABAU	4, 5 e 6 de xuño	2, 3 e 4 de xullo
Peche de incidencias de matrícula	4 de xuño ás 9h.	2 de xullo ás 9h.
Publicación cualificacións	13 de xuño	11 de xullo
Solicitud de Revisión de cualificacións	14 a 18 de xuño (ata ás 14h.)	12 a 16 de xullo (ata ás 14h.)
Publicación cualificacións definitivas	20 de xuño	17 de xullo
Solicitud para ver os exames con revisión	21 e 25 de xuño (ata as 14:00h.)	18 e 19 de xullo (ata as 14:00h.)
Data para ver os exames solicitados	27 de xuño ás 10h.	23 de xullo ás 10h.

PREMATRÍCULA NOS CENTROS DE BACH

A prematrícula realizarase no IES de Ortigueira do 16 ao 20 de maio para a Convocatoria Ordinaria e do 13 ao 17 de xuño para a Extraordinaria. Poderedes matricularvos no prazo Especial de Matrícula da Convocatoria Ordinaria (respectivamente Convocatoria Extraordinaria), se obtedes unha resolución favorable as vosas reclamacións ás cualificacións do Bacharelato

ante a Xefatura Territorial correspondente. Neste caso, a matrícula realizarase a través da aplicación Nerta, das 9:00 ás 14:00h. do día seguinte a comunicación da resolución.

Para a prematrícula tedes que cubrir este [impreso](#) que estará dispoñible na secretaría. Logo debedes acudir a ABANCA para aboar as taxas de expedición do título de Bach e da [prematrícula na ABAU](#). Debedes entregar o impreso orixinal das taxas da ABAU na Entidade bancaria, unha copia para o Centro e outra para vós. Olo! nos casos de matrícula GRATUITA non é necesario entregar o orixinal na Entidade bancaria. Debedes entregar unha copia, xunto co xustificante, no centro de secundaria.

O importe do **prezo de matrícula para estas probas é de: 63,67 euros**, pero hai exencións e reducións:

-Familia numerosa - Categoría Xeral: 31,84 euros. Debedes achegar no centro a fotocopia cotexada do carné de Familia Numerosa vixente no prazo da matrícula.

-Familia numerosa - Categoría Especial: Gratuíta. Debedes achegar no centro a fotocopia cotexada do carné de Familia Numerosa vixente no prazo da matrícula.

-Persoas con discapacidade (>= 33%), vítimas de terrorismo ou de violencia de xénero e persoas beneficiarias da prestación do ingreso mínimo vital: Gratuíta. Tes que acreditar estas condicións no momento de matrícula, achegando: resolución administrativa do recoñecemento da discapacidade ou da condición de vítima de terrorismo, resolución do INSS na que se recoñece a condición de beneficiario/a do ingreso mínimo vital ou certificado, informe ou sentenza que acredite a condición de vítima de violencia de xénero ([artigo 5 da Lei 11/2007, do 27 de xullo, galega para a prevención e o tratamento integral da violencia de xénero](#)).

-Persoal das Universidades do SUG: Gratuíta. Deberá acreditarse mediante certificación dos respectivos Servizos de Persoal e, no caso de cónxuxe e fillos/as, ademais, por medio da fotocopia cotexada do Libro de Familia.

Para formalizar a prematrícula tedes que entregar na secretaría do IES:

1. Fotocopia do DNI ou Pasaporte.

2. [Xustificante de ter aboados os prezos públicos de matrícula do alumnado](#) ou, no seu caso, documentación que acredite a exención.

3. [Impreso oficial de matrícula na ABAU](#) debidamente cumprimentado (datos persoais, académicos e de matrícula para a ABAU).

4. Fotocopia do Título de Bacharelato LOMCE ou LOE / Baccalauréat francés ou, no seu caso, resguardo acreditativo de ter efectuado o depósito deste. Co fin de axilizar o proceso, estes resgardos individualizados pódense substituír por unha certificación do centro na que conste que todos os alumnos e alumnas fixeron xa o depósito do título do Bacharelato.

Coa prematrícula xérase unha conta de usuario en [Nerta](#) e cada estudante recibe os datos de acceso no seu correo electrónico. Prema [aquí](#) para ver instrucións sobre o funcionamento de Nerta.

PUBLICACIÓN DA LISTAXE DE ALUMNADO MATRICULADO

A data de publicación provisional do alumnado matriculado será o 21 de maio para a Convocatoria Ordinaria e o 18 de xuño para a Extraordinaria a través da aplicación informática [Nerta](#). Debedes revisar os vosos datos e se detectades algún erro poderedes interpoñer, no IES, reclamación, ata as 14.00 horas dese día, respectivamente. A partir do 23 de maio para a Convocatoria Ordinaria e do 20 de xuño para a Extraordinaria poderedes consultar en Nerta a súa matrícula definitiva na ABAU.

ENVÍO DA DOCUMENTACIÓN DO IES AO LERD

Os centros de Educación Secundaria enviarán por medios electrónicos ao LERD correspondente a documentación entre o 21 e 23 de maio para a Convocatoria Ordinaria e entre o 18 e 20 de xuño para a Extraordinaria. Os centros acompañarán a matrícula dunha listaxe de alumnos matriculados na ABAU con indicación do DNI, apelidos e nome, exención de Lingua Galega e Literatura II (se é o caso) e importe das taxas aboadas ou, no seu caso, xustificante de exención. Este listado poderá ser xerado a través da aplicación Nerta.

EXAMES ABAU

Os exames terán lugar os días 4, 5 e 6 de xuño para a Convocatoria Ordinaria e os días 2, 3 e 4 de xullo para a Extraordinaria, en xornada de mañá e tarde os tres días.

DÍA	QUENDA	HORARIO	HORARIO ALUMN. NEAE
Martes 4 de xuño	Mañá	9:00 h-10:00 h	PRESENTACIÓN
		10:00 h-11:30 h	02 Lingua Galega e Literatura
		11:30 h-12:00 h	DESCANSO
		12:00 h-13:30 h	Primeira Lingua estranxeira 11 Inglés 12 Francés 13 Alemán 14 Portugués 15 Italiano
		13:30 h.	FIN DE SESIÓN
	Tarde	16:00 h-17:30 h	23 Física 32 Grego 54 Debuxo Técnico Aplicado ás AA.PP. e ao Deseño II 60 Artes Escénicas 90 Ciencias Xerais
		17:30 h-18:00 h	DESCANSO
		18:00 h-19:30 h	20 Matemáticas II 35 Xeografía 50 Fundamentos da Arte II 55 Fundamentos Artísticos 83 Literatura Dramática
		19:30 h	FIN DE SESIÓN
		20:00 h	
Mércores 5 de xuño	Mañá	9:30 h-11:00 h	01 Lingua Castelá
		11:00 h-11:30 h	DESCANSO
		11:30 h-13:00 h	03 Historia de España 08 Historia da Filosofía
		13:00 h.	FIN DE SESIÓN
	Tarde	16:00 h-17:30 h	25 Xeoloxía e Ciencias Ambientais 30 Latín II 40 Matemáticas Aplicadas ás CC. Sociais II 91 Movements Culturais e Artísticos
		17:30 h-18:00 h	DESCANSO
		18:00 h-19:30 h	24 Química 33 Historia da Arte 56 Técnicas de expresión Gráfico-Plástica 80 Análise Musical II
		19:30 h	FIN DE SESIÓN
		20:00 h	
Xoves 6 de xuño	Mañá	9:30 h-11:00 h	21 Bioloxía 26 Tecnoloxía e Enxeñaría II 53 Deseño 82 Historia da Música e da Danza Segunda Lingua Estranxeira 61 Alemán 62 Francés 63 Inglés 64 Italiano 65 Portugués
		11:00 h-11:30 h	DESCANSO
		11:30 h-13:00 h	22 Debuxo Técnico II 31 Empresa e Deseño de Modelos de Negocio 70 Debuxo Artístico II 81 Coro e Técnica Vocal II
		13:00 h.	FIN DE SESIÓN
	Tarde	INCIDENCIAS NON PREVISTAS	

En caso de que esteades hospitalizados durante as probas da Convocatoria Ordinaria ou defunción de familiares en primeiro grao, no prazo de sete días anteriores ao primeiro exercicio, podeades solicitar presentarvos á convocatoria extraordinaria con efectos de convocatoria ordinaria para o acceso aos estudos do SUG.

Todo o alumnado deberá acudir ao acto de presentación o primeiro día das probas ás 9.00 horas da mañá e despois presentarse a realizar os exercicios á hora sinalada para o comezo de cada un deles.

Se detectades algún erro na vosa matrícula da ABAU debeades comunicarllo ao presidente/a da correspondente comisión delegada na hora da presentación do primeiro día das probas (de 09.00 a 09.30 horas do día 4 de xuño para a C. Ordinaria ou do 2 de xullo para a C. Extraordinaria), mediante unha solicitude no formulario oficial que estará a disposición do alumnado na sede da comisión delegada. Unha vez finalizada a hora de presentación do primeiro día das probas, non se permitirá ningún cambio na matrícula das probas ABAU. Se vos examinades dunha opción distinta á que figure na vosa matrícula ou na solicitude de cambio de matrícula que se lle entregase ao presidente/a da comisión delegada, anularásevos o exame da materia ou materias que non figuren na vosa matrícula.

Para realizar os exames, debes levar con vós: o

1- **DNI ou documento identificativo oficial:** pasaporte, permiso de residencia etc.

2- **Resguardo de Matrícula e xustificante de pagamento.**

3- **Bolígrafo ou pluma de tinta indeleble azul ou negra.**

4- **Material axeitado** para realizar os exercicios que impliquen deseño, debuxo técnico ou artístico e técnicas gráfico-plásticas, así como o dicionario de latín-español ou grego-español e unha calculadora. **Revisa o material permitido e non permitido na páxina 17 e 18 da [convocatoria](#).**

Ao empezar as probas, recibiredes un xogo de adhesivos de código de barras que vos identifica. As etiquetas de identificación son persoais e intransferibles. É fundamental o bo coidado destas etiquetas de identificación. Non deben dobrarse nin modificarse de ningún xeito para evitar a súa deterioración e as posibles dificultades de identificación. Recoméndase tamén que non se deixen nas aulas nin ao alcance de persoas estrañas. **Os exames son anónimos e non poden asinarse nin deberán presentar marcas de ningún tipo (fluorescentes, subliñados en cor etc.) que poidan permitir unha eventual identificación persoal.**



DNI
Apelido 1
Apelido 2
Nome
Convocatoria




Código:
Centro-Alumno

Materias:
01, 02, 03, 11,
20, 21, 24

Revisar:

- DNI,
- Nome e Apelidos
- Materias matriculadas

En cada unha das probas teredes un caderno de exame formado por dúas follas A3 grampadas (unha páxina de portada e sete páxinas A4 en branco) e unha cabeceira adhesiva.



Para redactar as respostas podedes utilizar as sete páxinas en branco. En cada proba só se pode utilizar un único caderno de exame, ao que non se lle poderán arrincar nin engadir follas.

Cada proba presenta varias preguntas e todas elas son susceptibles de ser elixidas. No enunciado de cada proba indicárase o número “N” de preguntas que se deben responder. No caso de que non queirades que se corrixa algunha das preguntas respondidas, debedes tachala de forma clara. Se respondedes a máis preguntas das indicadas, só se corraxirá o número “N” de preguntas respondidas en primeiro lugar no caderno de exame.

Tras a distribución dos exames, todas as persoas (alumnos/as, vogais da comisión delegada e representantes de centro) deberán permanecer na aula na primeira media hora (unha hora no caso do alumnado con necesidades específicas de apoio educativo, naqueles exames que empezan media hora antes que o resto do estudiantado.) de cada exame.

O acceso á aula de exame implica sempre a entrega obrigatoria do caderno de exame debidamente etiquetado, aínda que se deixase en branco. Os exames deberán entregárselle a un membro do tribunal para que comprobe que cumpran as condicións debidas. En ningún caso se deixarán os exames enriba das mesas. Se un/unha estudante non se presenta a algún dos exercicios da parte obrigatoria da ABAU, na cualificación correspondente figurará Non Presentado (NP) e para os efectos do cálculo da nota media o exame computará como 0.

No caso de que se detecte algún alumno ou alumna con material non permitido no posto de exame, copiando será motivo de medida disciplinaria. Despois da súa correcta identificación, instarase a saír da aula e o exame será cualificado con 0 puntos. Ademais, a comisión organizadora das probas determinará as posibles sancións que se lle aplicarán e que poden implicar a anulación total das súas probas da ABAU.

Revisa o [protocolo](#) da ABAU para este curso.

Se vos matriculades de Historia de España e Historia da Filosofía (unha delas elixida como materia da parte obrigatoria e outra como materia da parte voluntaria), deberedes realizar en primeiro lugar a que elixistes como obrigatoria e disporedes dun máximo de 90 minutos para completar a resposta. Despois de entregar este exame poderedes descansar un máximo de 30 minutos dentro da aula antes de solicitar os enunciados do exame da segunda materia e teredes un máximo de 90 minutos para completar a resposta a este segundo exame. No caso de que vos matriculedes de varias materias da parte voluntaria con horarios coincidentes recibiredes os enunciados dos exames de forma sucesiva de parte da Comisión Delegada, no orde previsto polo Tribunal Único, e disporedes dun máximo de 90 minutos para completar a resposta de cada exame. Despois de entregar a resposta dun exame poderedes descansar un máximo de 30 minutos dentro da aula antes de solicitar os enunciados do seguinte exame.

PUBLICACIÓN DAS CUALIFICACIÓNS

As cualificacións faranse públicas en Nerta o día 13 de xuño para a Convocatoria Ordinaria e o 11 de xullo para a Extraordinaria, a partir das 20.00 horas. O día 20 de xuño para a Convocatoria Ordinaria e o 17 de xullo para a Extraordinaria faranse públicas as cualificacións definitivas despois da resolución das solicitudes de revisión (a partir das 20:00 horas).

O día 14 de xuño para a Convocatoria Ordinaria e o 12 de xullo para a Extraordinaria, o recibiredes por correo electrónico a vosa Tarxeta de Cualificación Provisional da ABAU, asinada dixitalmente.

Finalmente, o día 21 de xuño para a Convocatoria Ordinaria e o 18 de xullo para a Extraordinaria, recibiredes por correo electrónico a vosa Tarxeta de Cualificación Definitiva da ABAU asinada dixitalmente coa modificación da nota, no seu caso, despois do prazo de revisión das cualificacións. Para poder recibir a Tarxeta de Cualificación da ABAU é necesario ter rexistrado un correo electrónico válido en Nerta.

REVISIÓN DAS CUALIFICACIÓNS

Vós ou os vosos titores/as legais poderedes solicitar a revisión da cualificación obtida nun ou en varios exames no prazo de tres días contados a partir da data de publicación das cualificacións (14 a 18 de xuño para a Convocatoria Ordinaria e 12 a 16 de xullo para a Extraordinaria, ata as

14:00h.). Neste proceso de revisión as modificacións das cualificacións poden ser tanto á alza como á baixa.

As solicitudes de revisión poderanse facer a través de Nerta, empregando o voso código de acceso. Debedes gardar copia da vosa solicitude en calidade de resguardo e xustificación de presentación desta.

No proceso de revisión procederáse do seguinte xeito:

a) En primeiro lugar, analizarase se houbo algún erro material na corrección do exame da persoa interesada (sumas mal calculadas ou preguntas sen corrixir). No caso de existir algún erro material, modificarase a cualificación, tanto á alza como á baixa. A cualificación provisoria obtida (identificada como P) pasa a ser a nova cualificación despois de modificar segundo o erro material detectado. No caso de non haber erros materiais, mantense como cualificación provisoria a cualificación orixinal (identificada tamén como P).

b) Deseguido, realizarase unha segunda corrección por un novo corrector/a especialista, distinto ao que efectuou a primeira corrección. Se esta segunda cualificación (identificada como S) ten unha diferenza menor de dous puntos, a cualificación definitiva será a media aritmética entre S e P, nomeadamente $(S+P)/2$.

c) No suposto de que existise unha diferenza de dous ou máis puntos entre ambas as cualificacións (P e S), un terceiro especialista distinto dos anteriores efectuará unha terceira corrección (identificada como T). Neste caso, a cualificación definitiva será a media aritmética das tres cualificacións, nomeadamente $(P+S+T)/3$. Contra a resolución adoptada pola CIUG, que porá fin á vía administrativa, poderá interpoñerse recurso potestativo de reposición no prazo dun mes contado desde o día seguinte ao da publicación ante a propia CIUG. Neste caso non se poderá interpoñer o recurso contencioso-administrativo mentres non se dite resolución expresa do recurso potestativo de reposición ou se produza o acto presunto.

Teredes dereito a ver as probas revisadas unha vez finalizado o proceso de revisión, previa solicitude no LERD (o 21 e 25 de xuño para a Convocatoria Ordinaria e o 18 e 19 de xullo para a Extraordinaria, ata as 14:00h). Os exames revisados poderanse ver o 27 de xuño para a Convocatoria Ordinaria e o 23 de xullo para a Extraordinaria ás 10:00 horas no Edificio Fontán da Cidade da Cultura (sede da CiUG).

*Máis información no Departamento de Orientación, na Aula Virtual de Orientación ou na páxina da [CIUG](#).

MICITA SORTE !!!!!

